

se mõis oina Wakkoramato, mõisa kaarti ning kaubakontrahti Tartu Kredit-Kassa wallitsuse ette ülesnäütma ning pallesma, et teiniale lubba antas, kaubakontrahti tetta ning oina Kredit-Kassa wõllasse jada. Misama peap mõis ka sinnasamina sisseandma se ärramüdawa talloma kaarti, mes ütš ussutaw mamõdtja om diges tunnistanu ning mes mõisa pakaarti mõdo pärra om tettu, ning kos müja ning ostja omme nimme kohto kinnitusega omma alla pandnu, ning mes Tartu Kredit-Kassa wallitsuse hoijo alla jääp, kui lubba antas, sedda talloassent ärramüwwa. Wiimselt peap mõis ka sisseandma ütte mamõdtja tunnistusekirja, et talloma piir ka tõtteste nida läüp ning kinnitetu om, kui kaart wäljanäüdap.

§ 38. Talloma müja peap oina kaubakontrahti lige ildamb kuus nädalat pärran kontrahti teggemise Tartu Kredit-Kassa wallitsuse ette toma kontrahti kinnitamises. Kui teina mitte digel ajal ette ei to, siis peap teina egaütte se müdu talloma taleri cest 20 hõbberubla trahwi mašma. Et se kontraht wõis sada kinnitetus, siis peap teina sisse nimelt ülespantama:

1) ütš tunnistus, kas se talloasse om mõisama jausi, wai talloma jausi;

2) ütš tedaandmine, kas se talloma mõisa wastutamiseega müwwas, wai ilma mõisa wastutamata;

3) ostja tunnistus, et teina sedda pantpriive-summat, mes Riia üllemb Kredit-Kassa wallitsus ostetu talloma päle peas lubbama, henne päle wõllas wõttap;

4) ostja tunnistus, et teina sesama pantpriive-wõlla pärräst mitte ütšinda oina ostetu talloma lige jädawa hä ning moja tarbidusega, enge ka lige oina mu liikwa ehk saikwa häga Kredit-Kassa-Koggodusele wastutap, ning et teina ennembe oina Kredit-Kassa-Koggoduse offaust tahhas kaotada, kui ütteleke Kredit-Kassa-Koggoduse nõwwopiddamisele ehk säadmisele wastapanna ehk oina allahetmisi ning sõnawõtmisi keelda.

§ 39. Tartu Kredit-Kassa wallitsus kannap sedda lubbapallemist lige mu se asja kirjuga ning henne oina tunnistuse-kirjuga Riia üllembale Kredit-Kassa wallitsusele otsuse-andmises ette.

§ 40. Riia üllemb Kredit-Kassa wallitsus kirjutap kaubakontrahti päle sedda otsust, -et teina henne kottalt seddasinast talloma ärramümist pärraannap, ning ni paljo pantpriive-rahha lubbap anda, kui sesama talloma päle säduse pärra tulsep.

§ 41. Riia üllemb Kredit-Kassa wallitsus annap, kui kaubakontraht talle om ettenäüdetu, ilma wibimata lubba, sedda kontrahti kohto een laske kinnitada. Kui mitte ei olle wõimalif, sel kõrral, kui assi ettetuwas, sedda summat nimitada, mes Kredit-Kassa-Koggoduse polest se talloma päle sünnis anda, sis jääp se otsuseandmine tõises kõrras; ent kontrahti kinnitamine wõip ka enne wiimsel otsuseandmise sündida.

§ 42. Kui pantpriive-rahha lubbamise man ütte talloma hääs, mes ilma mõisa wastutamata om ärramüdu, ütš walnis kirjutetu pantpriiw peas waja ollema lahbutada, siis lassap mõisa pärrisher sedda jactawat ehk lahbutetawat pantpriivi ärrahäetada ning pallep sesama cest weikeisi pantpriive.

§ 43. Et pantpriive-rahha summa, mes ütte talloma päle antas, olgo se summa suur ehk wäikene, ei tohhi wähhembat ei ka enambat ülle ni ja ni mitme saa rubla olla, kui wiiskümmend. Kui se talloma ni paljo ei mašsa, et sadda ehk wiiskümmend ülle ni ja ni mitme saa täüs saap, siis jääp pantpriive summa pärrametse saa ehk wiekümmne päle saisma, kui pantpriiw, mes se talloma päle sünnis anda, wähhemb om kui 500 rublaline. Ent kui teina suremb om kui 500 rublaline, siis pantas, kui pantpriive summa ülle ni ja ni mitme saa kand, weel ni paljo mašnu, et 50 ülle ni ja ni mitme saa täüs saap.